

Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
Комисија за хартије од вриједности



Bosna i Hercegovina
BRČKO DISTRIKT
BOSNE I HERCEGOVINE
Komisija-Povjerenstvo za papire od
vrijednosti

Босне Сребрне 28, 76100 Брчко-Дистрикт Босне и Херцеговине; телефон: 049/232 540, 232 550, 231 880, телефакс: 049/231 891, e-mail: info@secdbih.org
Bosne Srebrene 28, 76100 Brčko Distrikt Bosne i Hercegovine; telefon: 049/232 540, 232 550, 231 880, telefaks: 049/231 891, e-mail: info@secdbih.org

IZVJEŠTAJ

**o radu Komisije za papire od vrijednosti Brčko distrikta BiH
za 2019. godinu**

Brčko, februar 2020. godina

SADRŽAJ

1. OSNOVNI PODACI O KOMISIJI	1
1.1. Pravni status	1
1.2. Nadležnosti i pravna regulativa.....	1
1.3. Organizaciona struktura i poslovi u unutrašnjim organizacionim jedinicama.....	2
1.4. Struktura ljudskih resursa.....	3
2. REGULATORNA FUNKCIJA KOMISIJE	3
3. INSTITUCIONALNI KAPACITETI I SARADNJA S DOMAĆIM I MEĐUNARODNIM INSTITUCIJAMA	4
3.1. Edukacija zaposlenih.....	4
3.2. Informacioni sistem.....	4
3.3. Aktivnosti Komisije u procesu EU integracija.....	5
3.4. Saradnja sa institucijama tržišta kapitala i drugim institucijama u BiH i Brčko distriktu BiH	6
3.5. Web stranica Komisije	7
4. DJELATNOST I EVIDENCIJA REGISTRA IZDAVALACA PAPIRA OD VRIJEDNOSTI	7
4.1. Registar izdavalaca papira od vrijednosti	7
4.2. Izdavanje papira od vrijednosti	9
5. KORPORATIVNO UPRAVLJANJE I AKTIVNOSTI IZDAVALACA PAPIRA OD VRIJEDNOSTI	10
5.1. Kapital dioničkih društava i porijeklo kapitala na dan 31.12.2019. godine	10
5.2. Promjene na dioničkom kapitalu	11
5.3. Dionički kapital po sektorima privređivanja dioničkih društava na dan 31.12.2019. godine	12
5.4. Struktura članova uprave prema starosnoj dobi i dužini članstva u upravi dioničkih društava.....	13
5.5. Struktura članova nadzornog odbora prema starosnoj dobi i dužini članstva u nadzornom odboru dioničkih društava.....	14
6. PREUZIMANJE DIONIČKIH DRUŠTAVA	15
6.1. Nadzorna funkcija i postupanje Komisije	15
6.2. Informisanje u postupku preuzimanja	16
7. DJELATNOST I EVIDENCIJA REGISTRA PAPIRA OD VRIJEDNOSTI	18
7.1. Struktura usluga koje Registar papira od vrijednosti pruža pravnim i fizičkim licima	18
7.2. Registrovani kapital i dioničari po uređenim tržištima u BiH u periodu 2015-2019. godine.....	19
7.3. Registracija kapitala, papira od vrijednosti i dioničara u periodu 2015-2019.godina.....	20
7.4. Promet i prenos papira od vrijednosti u periodu 2015.-2019. godina.....	21

8. FINANSIJSKO IZVJEŠTAVANJE IZDAVALACA PAPIRA OD VRIJEDNOSTI	22
9. REVIDIRANI FINANSIJSKI IZVJEŠTAJI DIONIČKIH DRUŠTAVA.....	24
10. NADZOR I KONTROLA IZDAVANJA, PROMETA I UČESNIKA NA UREĐENOM TRŽIŠTU	25
11. FINANSIJSKI IZVJEŠTAJ.....	26

1. OSNOVNI PODACI O KOMISIJI

1.1. Pravni status

Komisija za papire od vrijednosti Brčko distrikta BiH je u skladu sa Zakonom o papirima od vrijednosti („Sl. glasnik Brčko distrikta BiH“, broj: 15/03, 27/04, 42/04, 28/07, 14/12, 20/17, 8/19, 10/19 i 32/19) stalno, nezavisno regulatorno tijelo, osnovano radi uređivanja i kontrole izdavanja i prometa papira od vrijednosti.

1.2. Nadležnosti i pravna regulativa

Komisija za papire od vrijednosti Brčko distrikta BiH primarne nadležnosti vrši u skladu sa Zakonom o papirima od vrijednosti Brčko distrikta BiH, Zakonom o preuzimanju dioničkih društava („Sl. glasnik Brčko distrikta BiH“, broj: 32/19) i Zakonom o investicionim fondovima („Sl. glasnik Brčko distrikta BiH“, broj: 30/07 i 18/17), a odnose se na:

- donošenje propisa o provođenju Zakona o papirima od vrijednosti, Zakona o preuzimanju dioničkih društava i Zakona o investicionim fondovima,
- izdavanje i oduzimanje dozvola, odobrenja i saglasnosti u okviru svog djelokruga i nadležnosti,
- donošenje podzakonskih akata radi propisivanja uslova, načina i procedura za jedinstveno obavljanje nadzora unutar svog djelokruga i nadležnosti,
- podsticanje, organizovanje i nadgledanje mjera za efikasno funkcionisanje tržišta papira od vrijednosti,
- vođenje knjiga i registara u skladu s odredbama Zakona iz svog djelokruga i nadležnost,
- blagovremeno rješavanje zahtjeva stranaka u postupku,
- obavljanje nadzora nad poslovanjem izdavalaca papira od vrijednosti i drugih učesnika na tržištu kapitala,
- donošenje odluka o mjerama za otklanjanje utvrđenih nezakonitosti i nepravilnosti;
- izvještavanje nadležnih nadzornih, upravnih i pravosudnih tijela o svim saznanjima, koja se neposredno ili posredno tiču njihove nadležnosti i koja su povezana sa postupcima koji se vode pred tim tijelima, a u vezi su sa postupcima iz djelokruga i nadležnosti Komisije, i
- nadzor provođenja postupaka preuzimanja dioničkih društava.

Komisija za papire od vrijednosti Brčko distrikta BiH određene nadležnosti provodi u skladu s odredbama Zakona o preduzećima Brčko distrikta BiH - prečišćen tekst („Sl. glasnik Brčko distrikta BiH“, broj: 49/11), a odnose se na:

- upis dioničkih društava u registre Komisije,
- smanjenje i povećanje osnovnog kapitala dioničkih društava i
- upis statusnih promjena u registre Komisije.

U postupcima rješavanja zahtjeva pravnih i fizičkih lica Komisija primjenjuje Zakon o upravnom postupku Brčko distrikta BiH („Službeni glasnik Brčko distrikta BiH“, broj 48/11 i 21/18), kada pojedinačna aktivnost nije detaljno propisana gore navedenim zakonima.

1.3. Organizaciona struktura i poslovi u unutrašnjim organizacionim jedinicama

U skladu sa Zakonom o papirima od vrijednosti, Statutom i Organizacionim planom, Komisija za papire od vrijednosti Brčko distrikta BiH se kao regulatorno tijelo sastoji od tri organizacione jedinice, Komisije kao kolektivnog organa, Stručne službe i Registra papira od vrijednosti. Dimenzije organizacione strukture Komisije, ciljevi koje treba da ostvari, način koordinacije osnovnih unutrašnjih i spoljnih elemenata, nadležnosti i odgovornosti pojedinačnih izvršilaca, kao i zadaci i obaveze su uspostavljeni kroz funkcijsku podjelu rada, kako bi se obezbijedila usklađenost djelovanja svih elemenata organizacione strukture.

U Komisiji, kao kolektivnom organu odlučivanja obavljaju se sljedeći poslovi:

- donošenje propisa iz nadležnosti Komisije,
- kontrola poštovanja pravila uobičajene trgovine i lojalne konkurencije u trgovanju papirima od vrijednosti,
- regulisanje prometa papira od vrijednosti na osnovu povlašćenih informacija,
- obustavljanje izdavanja i prometa pojedinih papira od vrijednosti,
- sprečavanje manipulacija, špekulacija, pranja novca, finansiranja terorističkih aktivnosti i drugih nezakonitih radnji,
- pokretanje upravnih sporova radi zaštite investitora,
- utvrđivanje načina čuvanja dokumentacije za preduzeća koja posluju sa papirima od vrijednosti,
- donošenja odluke o utvrđivanju takse, odnosno visine naknada za izvršene usluge u okviru nadležnosti,
- saradnja sa drugim komisijama za papire od vrijednosti, registrima i berzama u BiH,
- saradnja sa Gradonačelnikom Brčko distrikta BiH, Vladom i Skupštinom Brčko distrikta BiH, po pitanju provođenja procedura usvajanja izmjena postojećih i donošenja novih zakonskih rješenja,
- podnošenje Izvještaja o radu Komisije Skupštini Brčko distrikta BiH,
- saradnja s Vijećem ministara BiH i drugim organima i institucijama u zemlji i inostranstvu i
- obavljanje drugih poslova u skladu sa zakonskim ovlaštenjima.

U Stručnoj službi se obavljaju poslovi koji se odnose na:

- normativno-pravne, administrativne i analitičke poslova,
- organizaciju rada Stručne službe,
- koordinaciju rada u Komisiji između upravljačkog i administrativnog dijela organizacione strukture,
- pripremu prijedloga mišljenja i stavova Komisije po pitanju tumačenja i primjene propisa,
- nadzor i kontrolu izdavanja papira od vrijednosti,
- registraciju kapitala izdavalaca papira od vrijednosti,
- obradu zahtjeva za izdavanje rješenja o odobrenju izdavanja papira od vrijednosti sa obrazloženjem prijedloga rješenja Komisiji, kao kolektivnom organu, na razmatranje i usvajanje,
- izradu rješenja o odobrenju izdavanja papira od vrijednosti, prethodno usvojenih od strane Komisije,
- vođenje registra izdavalaca papira od vrijednosti i evidencije izdatih rješenja,
- praćenje objavljivanja finansijskih i drugih poslovnih informacija izdavalaca, propisanih zakonima i propisima Komisije,

- vođenje evidencije o izdavanju papira od vrijednosti za koje nije potrebno odobrenje Komisije,
- izradu odluka i ugovora o javnim nabavkama roba, radova i usluga za potrebe Komisije i praćenje njihove realizacije,
- saradnju sa institucijama tržišta kapitala u entitetima BiH i drugim organima i institucijama u BiH i inostranstvu,
- saradnju sa Kabinetom Gradonačelnika Brčko distrikta BiH, Sekretarijatom Vlade Brčko distrikta BiH, Stručnom službom Skupštine Brčko distrikta BiH, odjeljenjima Vlade i institucijama Brčko distrikta BiH, po pitanju administrativnih aktivnosti i
- obavljanje drugih poslova po zahtjevu Komisije u skladu sa zakonima i podzakonskim aktima.

U Centralnom registru papira od vrijednosti se obavljaju poslovi koji se odnose na:

- registraciju, čuvanje, prenos, deponovanje, saldiranje i kliring po transakcijama s papirima od vrijednosti,
- vođenje računa izdavalaca i vlasnika papira od vrijednosti,
- izdavanje certifikata - izvoda o stanju na računima vlasnika papira od vrijednosti,
- izdavanje liste dioničara,
- upis i registraciju promjena na kapitalu,
- upis promjena na računima vlasnika papira od vrijednosti,
- obračun i pripremu podataka za isplatu dužničkih papira od vrijednosti,
- provjeru i dostavljanje podataka po zahtjevima nadležnih organa zakonodavne i izvršne vlasti u BiH o posjedovanju papira od vrijednosti za imenovana lica,
- upis ograničenja raspolaganja na papirima od vrijednosti,
- saradnju sa registrima i berzama u entitetima BiH i
- obavljanje drugih poslova po zahtjevu Komisije u skladu sa zakonima i podzakonskim aktima.

1.4. Struktura ljudskih resursa

Klasifikacija zaposlenih prema stepenima formalnog obrazovanja pokazuje da dominantno učešće zauzimaju zaposleni sa visokom stručnom spremom, odnosno od šest zaposlenih, pet zaposlenika ili 83% je sa visokom stručnom spremom, a jedan zaposlenik je sa srednjom stručnom spremom ili 17%. U okviru zaposlenih sa visokom stručnom spremom prema profesionalnoj orijentaciji preovlađujući dio zauzima četvero zaposlenika ekonomskog smjera ili 80%, dok je jedan zaposlenik pravnog smjera ili 20%.

2. REGULATORNA FUNKCIJA KOMISIJE

U toku 2019. godine, u skladu sa propisanim nadležnostima, Komisija je provela procedure po podnesenim zahtjevima dioničkih društava i odobrila korporativne radnje promjena na kapitalu, preuzimanje dionica ciljnog društva s pravom glasa, upis promjena članova uprave i nadzornog odbora dioničkih društava u registru izdavalaca, provela nadzor i kontrolu vršenja nadležnosti Registra papira od vrijednosti, realizovala pokrenute postupke ostvarivanja vlasničkih prava po zahtjevima pravnih i fizičkih lica, donijela zaključke i stavove o otklanjanju nepravilnosti u postupcima provođenja korporativnih radnji i obavljala ostale zakonom definisane aktivnosti.

U cilju realizacije planom predviđenih normativno-pravnih aktivnosti u izvještajnom periodu pripremljen je i dostavljen na razmatranje i usvajanje organima izvršne i zakonodavne vlasti Nacrt zakona o preuzimanju dioničkih društava, kojemu su prethodile konsultacije i usaglašavanja sa svim relevantnim institucijama javnog i poslovnog sektora Brčko distrikta BiH. Nakon provedenih zakonom propisanih procedura Skupština Brčko distrikta BiH je usvojila navedeni Zakon, koji je objavljen u Službenom glasniku Brčko distrikta BiH broj 32/19. U svrhu usklađivanja internih akata o platama zaposlenih u Komisiji sa Zakonom o platama i naknadama u organima javne uprave i institucijama Brčko distrikta BiH, Komisija je na svojoj 10. sjednici održanoj 3. 7. 2019. godine, usvojila Pravilnik o izmjenama Pravilnika o organizaciji Komisije za papire od vrijednosti Brčko distrikta BiH i sistematizaciji radnih mjesta.

3. INSTITUCIONALNI KAPACITETI I SARADNJA SA DOMAĆIM I MEĐUNARODNIM INSTITUCIJAMA

3.1. Edukacija zaposlenih

Odredbama Zakona o državnoj službi u organima javne uprave Brčko distrikta BiH („Sl. glasnik Brčko distrikta BiH“, broj 9/14, 37/15, 48/16, 9/17, 50/18 i 14/19) i odredbama Pravilnika o stručnom usavršavanju („Sl. glasnik Brčko distrikta BiH“, broj 25/17) definisana je obaveza opšteg stručnog usavršavanja zaposlenih kroz razne seminare, programe obuke i edukacije u cilju sticanja znanja, razmjene iskustava i uspješnijeg obavljanje poslova. U izvještajnom periodu zaposleni u Komisiji su prisustvovali seminarima iz oblasti podrške borbi protiv pranja novca, komuniciranja u procesu evropskih integracija, finansijskog upravljanja i kontrole, poslovne etike i javnih nabavki.

3.2. Informacioni sistem

Komisija raspolaže sa šest desktop računara i jednim laptop računarom HP. Četiri desktop računara sa instaliranim zastarjelim operativnim sistemom Microsoft XP Professional su nabavljena 2009. godine, a dva desktop računara i jedan laptop računar HP sa instaliranim softverom Windows 10 nabavljeni su 2019. godine. Pored navedene računarske opreme Komisija posjeduje jedan multifunkcionalni štampač (telefaks, kopir aparat) marke LexMark MX410XL, nabavljen 2018. godine, dva kancelarijska štampača (HP 1320 i LexMark) i fotokopir aparat marke FUJICU. Navedeni podaci o tehničkoj opremi Komisije ukazuju na činjenicu da Komisija raspolaže sa prilično zastarjelom opremom. Komisija ima instalisanu LAN mrežu koja je preko rutera vezana na lokalni Swich internet mreže Vlade Brčko distrikta BiH, odnosno portal www.vlada.bdcentral.net putem koga pristupa globalnoj mreži odnosno internetu. Registar papira od vrijednosti Komisije za papire od vrijednosti Brčko distrikta BiH obavlja poslove iz svoje nadležnosti kroz sistem registracije Registara entiteta. Registar ima pristup podacima koji se vode u elektronskoj formi u informacionim sistemima Registara preko konekcija na FTP serveru i koristi ih za korporativne potrebe dioničkih društava i rješavanje svojinskih prava vlasnika papira od vrijednosti, kao i za obavljanje ostalih poslove i usluge iz svoje nadležnosti za dionička društva i vlasnike papira od vrijednosti sa područja Brčko distrikta BiH.

3.3. Aktivnosti Komisije u procesu EU integracija

U skladu s Odlukom o sistemu koordinacije procesa evropskih integracija u BiH ("Službeni glasnik BiH", broj 72/16, 35/18) kojom se uređuje način ostvarivanja komunikacije između institucija u Bosni i Hercegovini, s ciljem osiguranja i iznošenja usaglašenog stava u ime Bosne i Hercegovine u komunikaciji sa institucijama Evropske unije, a na osnovu odluke Vlade Brčko distrikta BiH broj 01.11-1031DS-027/16 od 12.04.2016. godine predstavnici Komisije za papire od vrijednosti Brčko distrikta BiH su kao članovi učestvovali u radu pojedinih radnih grupa i to:

Radna grupa za ekonomski kriterij - u Kopenhagenu 1993. godine na sastanku Evropskog savjeta postavljeni su politički, ekonomski i pravni kriteriji kao uslov za članstvo u Evropskoj uniji. Ekonomski kriterij podrazumijeva postojanje funkcionalne tržišne privrede, sposobne da se nosi sa konkurentskim pritiskom i tržišnim snagama unutar Unije.

Radna grupa za poglavlje 3 - Pravo poslovnog nastana i slobodu pružanja usluga - sloboda pružanja usluga je jedna od četiri slobode neophodne za funkcionisanje unutrašnjeg tržišta EU, a obuhvata i pravo poslovnog nastanjivanja u bilo kojoj državi članici EU. Države članice treba da obezbijede da pravo osnivanja privrednih društava za državljane i pravna lica iz EU u bilo kojoj državi članici, kao i sloboda pružanja prekograničnih usluga, ne budu ometani od strane nacionalnog zakonodavstva, uz izuzetke navedene u ugovoru. Cilj je da se u pružanju usluga uspostavi jedinstveno unutrašnje tržište, otklanjanjem pravnih i administrativnih prepreka za razvoj uslužnih djelatnosti između država članica.

Radna grupa za poglavlje 4 - Sloboda kretanja kapitala - Sloboda kretanja kapitala predstavlja još jednu od četiri slobode na kojima se temelji unutrašnje tržište Evropske unije. Ovo poglavlje prije svega se odnosi na usklađivanje propisa iz oblasti kretanja kapitala i tekućih plaćanja, kao i na borbu protiv pranja novca i finansiranje terorizma. U oblasti slobodnog kretanja kapitala, države članice imaju obavezu da, uz neke izuzetke, uklone sva ograničenja kretanja kapitala i unutar EU i između država članica i ostalih država.

Radna grupa za poglavlje 6 - Pravo privrednih društava - u okviru ovog poglavlja razmatraju se pitanja u vezi sa osnivanjem i obavljanjem djelatnosti privrednih društava u državama članicama EU. Ovo poglavlje obuhvata dva dijela, pravo privrednih društava u užem smislu i računovodstvo i reviziju. Pravo privrednih društava u užem smislu odnosi se na, pravila o osnivanju, registraciju, obavljanje djelatnosti, domaće i prekogranično spajanje i podjelu privrednih društava. Oblast računovodstva i revizije uključuje uspostavljanje pravila o uspostavljanju sistema provjere kvaliteta rada revizorske struke, efikasnog sistema javnog nadzora, kao i sistema objavljivanja godišnjih finansijskih izvještaja.

Radna grupa za poglavlje 9 - Finansijske usluge - finansijske usluge su od velikog značaja za dobro funkcionisanje unutrašnjeg tržišta EU kao jednog od temelja evropskih integracija. Najvažniji ciljevi pravnih tekovina EU u oblasti finansijskih usluga su obezbjeđivanje finansijske stabilnosti i adekvatna zaštita potrošača, investitora i osiguranika. Pravne tekovine EU u okviru finansijskih usluga obuhvataju oblasti, bankarstva, osiguranja, reosiguranja, dobrovoljnih penzijskih fondova, tržišta kapitala i infrastrukture finansijskog tržišta, pravila za dobijanje dozvole, rad i nadzor finansijskih institucija i regulisanih tržišta. Takođe, uređena su i pitanja zaštite potrošača finansijskih usluga, kao i način saradnje tijela zaduženih za nadzor finansijskih tržišta.

Radna grupa za poglavlje 17 - Monetarna i ekonomska politika - pravna tekovina u oblasti ekonomske i monetarne politike sadrži posebna pravila kojima se zahtijeva nezavisnost

centralnih banaka u državama članicama, zabranjuje se direktno finansiranje javnog sektora od strane centralne banke, te se zabranjuje povlašten pristup javnog sektora finansijskim institucijama. Od država članica se očekuje da usklade svoje ekonomske politike i da se pridržavaju odredaba Pakta o stabilnosti i rastu, koji se odnosi na fiskalni nadzor. Nove države članice se isto tako obavezuju na usklađivanje s kriterijem propisanim u Ugovoru o osnivanju EZ-a kako bi bile sposobne uvesti euro u dogledno vrijeme nakon pristupanja.

Pododbor za ekonomska i finansijska pitanja i statistiku - Pododbor za ekonomska i finansijska pitanja i statistiku zajedničko je tijelo EU i Bosne i Hercegovine uspostavljeno za praćenje provođenja Sporazuma o stabilizaciji i pridruživanje koji je stupio na snagu 1. juna 2015. godine. Pododbor za ekonomska i finansijska pitanja i statistiku razmatrao je pitanja u vezi sa kretanjem kapitala i plaćanjima, ekonomskom politikom, saradnjom u oblasti statistike, podsticanjem i zaštitom ulaganja i finansijskom saradnjom na sastancima kako slijedi:

- Prvi sastanak, Sarajevo, 25. i 26.1. 2017. godine;
- Drugi sastanak, Brisel, 14. i 15.11. 2017. godine;
- Treći sastanak, Mostar, 15. i 16. 11.2018. godine;
- Četvrti sastanak, Brisel 19. i 20. 11 2019. godine.

Predstavnici Komisije za papire od vrijednosti kao članovi radnih grupa prisustvovali su sastancima i pripremama radnih grupa za navedena poglavlja za koja su imenovani i radili na finalizaciji odgovora na pitanja iz Upitnika evropske komisije kroz korištenje informacionog sistema Direkcije za Evropske integracije. U okviru svoje nadležnosti predstavnici Komisije Brčko distrikta BiH su direktno odgovarali na pitanja u elektronskoj formi iz Poglavlja 6 – Pravo privrednih društava i to od pitanja 18 do 27 i od pitanja 63 do 88 iz Upitnika Evropske Komisije, zatim su potvrdili verifikaciju svih pitanja koja su se odnosila na navedeno poglavlje. U okviru Poglavlja 9 - Finansijske usluge odgovoreno je na pitanja od 77 do 127, kao i iz Poglavlja Ekonomski kriterij, koje se odnosilo na pitanja 45, 46, 47, 48 i 71.

U 2019. godini uslijedila su dodatna pitanja Evropske komisije kako bi im se pojasnili odgovori vlasti Bosne i Hercegovine i kako bi dobili dodatne informacije koje su nedostajale. Za određena pitanja traženi su objedinjeni podaci za cijelu državu, koji su nedostajali u odgovorima prema nivoima vlasti u Bosni i Hercegovini. Predstavnici Komisije su učestvovali u aktivnostima dopunskih odgovora i nastavili saradnju sa Radnim grupama u usaglašavanju konačnih odgovora na sva pitanja iz Upitnika Evropske Komisije.

Članovi Radnih grupa iz Komisije za papire od vrijednosti, kao predstavnici Brčko distrikta BiH su odgovorili na pitanja iz navedenih poglavlja, koja potpadaju pod nadležnost Komisije za papire od vrijednosti, a prema uputama i dodijeljenim šiframa Direkcije za Evropske integracije BiH za pristup i korištenje informacionog sistema za potrebe odgovora na pitanja iz Upitnika Evropske komisije.

3.4. Saradnja sa institucijama tržišta kapitala i drugim institucijama u BiH i Brčko distriktu BiH

U skladu sa vršenjem Zakonom propisanih nadležnosti, Komisija za papire od vrijednosti Brčko distrikta BiH je tokom 2019. godine nastavila kontinuiranu saradnju sa Komisijom za

vrijednosne papire Federacije BiH, Komisijom za hartije od vrijednosti RS, Registrom vrijednosnih papira Federacije BiH, Registrom hartija od vrijednosti RS, kao i sa uređenim tržištima Sarajevske berze (SASE) i Banjalučke berze (BLSE) na kojima su uvrštene dionice dioničkih društava iz Brčko distrikta BiH. Ostvarena je široka saradnja u dijelu usklađivanja zakonskih odredbi i pronalaženja najboljih rješenja i pravnih instituta za novi Zakon o preuzimanju dioničkih društava. Isto tako ostvarena je uspješna saradnja i u dijelu usklađivanja i primjene propisa, koji su vezani za operativne aktivnosti i proceduru isplate finansijske protuvrijednosti vlasnicima deponovanih papira od vrijednosti u postupku preuzimanja dioničkih društava. Posebno su u okviru saradnje razmatrana pitanja i problemi naplate prihoda za izvršene usluge izdavaocima papira od vrijednosti, sa kojima se susreću institucije tržišta kapitala u entitetima i Brčko distriktu BiH. S tim u vezi razmijenjena su iskustva i stečena praksa u cilju preduzimanja odgovarajućih aktivnosti na obezbjeđenju kvalitetnije naplate potraživanja po navedenom osnovu.

Komisija za papire od vrijednosti je u izvještajnom periodu ostvarila korektnu saradnju sa Parlamentarnom skupštinom BiH, Upravom za indirektno oporezivanje BiH, Poreskom upravom Brčko distrikta BiH, Policijom i Tužilaštvom Brčko distrikta BiH, kao i drugim institucijama vlasti u BiH i Brčko distriktu BiH na rješavanju podnesenih zahtjeva od strane ovih institucija. Priroda riješenih zahtjeva se odnosila na provjeru i dostavljanje podataka o vlasnicima papira od vrijednosti za potrebe vršenja nadležnosti navedenih institucija, koji služe za vođenje postupaka prinudne naplate direktnih i indirektnih poreza, postupaka istrage finansijskih zloupotreba i malverzacija, kao i vođenje postupaka o sukobu interesa zastupnika u Parlamentarnoj skupštini BiH. Cilj obezbjeđenja i stavljanja na raspolaganje traženih podataka navedenim institucijama je realizacija aktivnosti u borbi protiv korupcije. Za potrebe efikasnije naplate potraživanja za realizovane usluge izdavaocima papira od vrijednosti, Komisija je uputila Pravobranilaštvu Brčko distrikta BiH, kao nadležnoj instituciji, prijedloge za izvršenje potraživanja koja nisu naplaćena u predviđenom roku.

3.5. Web stranica Komisije

Putem vlastite web stranice, Komisija pruža sve potrebne informacije investicionoj i ukupnoj javnosti o Komisiji, radu Komisije i revidiranim izvještajima o finansijskom poslovanju Komisije, pravnom okviru tržišta kapitala, podatke o visini kapitala dioničkih društava, korporativnim aktivnostima, postupcima preuzimanja dioničkih društava, podatke o rješenjima donesenim po zahtjevima stranaka i po službenoj dužnosti, kao i druga obavještenja, kontakt adrese i dr. Proširenjem sadržaja web stranice u odnosu na prethodni izvještajni period, obezbijeđen je veći obim podataka i informacija, što omogućava kvalitetnije informisanje o stanju na tržištu papira od vrijednosti, kako u Brčko distriktu BiH, tako i u entitetima BiH.

4. DJELATNOST I EVIDENCIJA REGISTRA IZDAVALACA PAPIRA OD VRIJEDNOSTI

4.1. Registar izdavalaca papira od vrijednosti

U skladu sa članom 14. Pravilnika o načinu upisa i vođenju registra izdavalaca u Registar kao javnu knjigu upisuju se i registruju svi izdavaoci koji izdaju papire od vrijednosti u skladu sa Zakonom. Registar sadrži opšte podatke o izdavaocu, upravi i nadzornom odboru, kapitalu izdavaoca, vrijednosti kapitala, vrijednosti i broju dionica, podatke o izdavanju papira od vrijednosti, vrsti, klasi, nominalnoj vrijednosti i obimu izdavanja, zatim podatke o odlukama o izdavanju, odobrenju izdavanja, uspješnosti izdavanja, upis promjena na kapitalu i dr. Upis podataka u Registar izdavalaca vrši se na osnovu prijave sa priložima registarskih listova, a prema obrascima koje propisuje Komisija. Komisija za papire od vrijednosti po prijemu prijave vrši upis izdavaoca, odnosno promjenu upisa u Registar izdavalaca i izdaje odgovarajuće rješenje.


Tabela broj 1: Uporedni pregled osnovnog kapitala dioničkih društava i nominalna vrijednosti dionica u periodu 2018-2019. godina

Redni broj	Izdavalac	2018.		2019.	
		Osnovni kapital	Nom. vr dionice	Osnovni kapital	Nom. vr. dionice
1.	Bimal d.d.	20.720.130,00	10,00	20.720.130,00	10,00
2.	Psc-Babić d.d.	3.181.830,00	10,00	3.181.830,00	10,00
3.	Žitopromet d.d.	4.151.090,55	3,95	4.151.090,55	3,95
4.	Galax-Niskogradnja d.d.	1.330.860,00	10,00	1.330.860,00	10,00
5.	Izgradnja d.d.	6.683.550,00	10,00	6.683.550,00	10,00
6.	Biljana d.d.	560.460,00	10,00	560.460,00	10,00
7.	IBD d.d.	1.748.000,00	1000,00	1.748.000,00	1000,00
8.	Brčko-Gas Osiguranje d.d.	6.200.000,00	1000,00	6.200.000,00	1000,00
9.	Grafam d.d.	3.586.720,00	10,00	3.586.720,00	10,00
10.	Tesla d.d.	13.663.940,00	10,00	13.663.940,00	10,00
11.	Novi Bimeks d.d.	35.829.000,00	10,00	35.829.000,00	10,00
12.	Laser d.d.	3.254.542,20	3,70	2.638.818,00	3,00
13.	Uzor d.d.	519.508,80	3,60	519.508,80	3,60
14.	MB Velma d.d.	1.348.300,00	10,00	1.348.300,00	10,00
15.	Tehnograđa d.d.	1.056.510,00	10,00	1.056.510,00	10,00
16.	Osiguranje-Garant d.d.	5.000.000,00	100,00	5.000.000,00	100,00
	UKUPNO	108.834.441,55	-	108.218.717,35	-

Izvor podataka: Registar izdavalaca papira od vrijednosti

U Registru izdavalaca papira od vrijednosti kod Komisije za papire od vrijednosti Brčko distrikta BiH na dan 31.12.2019. godine upisano je šesnaest dioničkih društava sa ukupnom vrijednošću osnovnog kapitala u iznosu od 108.218.717,35 KM, što predstavlja smanjenje u odnosu na prethodnu godinu za 615.724,20 KM ili 0,57%. Prosječna vrijednost osnovnog kapitala po dioničkom društvu u 2019. godini iznosi 6.763.669,83 KM. Nominalna vrijednost dionica u 2019. godini je ostala na istom nivou u odnosu na prethodnu godinu u svim dioničkim društvima, izuzev dioničkog društva „Laser“ d.d., kod kojeg je smanjena nominalna vrijednost dionice sa 3,70 KM na 3,00 KM ili za 23,30%, zbog pokrića negativnog rezultata u poslovanju na teret kapitala.

Grafikon broj 1: Prikaz dioničkih društava prema veličini osnovnog kapitala na dan 31.12.2019. godine



4.2. Izdavanje papira od vrijednosti

Prema prikazanim podacima u tabeli broj 2 na dan 31.12.2019.godine, ukupan broj odobrenih izdavanja papira od vrijednosti po svim vrstama, osnivačka izdavanja, izdavanja po osnovu investiranja, smanjenja kapitala i izdavanja po osnovu spajanja i pripajanja dioničkih društava je 76 izdavanja. Ukupna vrijednosti izdavanja papira od vrijednosti je 207.343.701,00 KM. Najveći obim izdavanja se odnosi na izdavanje papira od vrijednosti prilikom sukcesivnog osnivanja dioničkih društava u vrijednosti od 84.171.180,00 KM ili 40,59 %. Na izdavanje po osnovu investiranja u sukcesivno osnovana dionička društva odnosi se 79.460.500,00 KM ili 38,33 %, a na izdavanje po osnovu smanjenja kapitala dioničkih društava 22.342.281,00 KM ili 10,77 %. Najmanji obim izdavanja papira od vrijednosti se odnosi na izdavanja prilikom investiranja u simultano osnovana dionička društva u iznosu od 7.701.300,00 KM ili 3,72% i na izdavanja prilikom provođenja spajanja i pripajanja dioničkih društava 7.418.440,00 KM ili 3,58%.


Tabela broj 2: Uporedni pregled ukupnog obima izdavanja papira od vrijednosti po vrstama na dan 31.12.2019. godine

Red. broj	Vrsta izdavanja	Broj izdavanja	Vrijednost izdavanje u KM	%
1.	Sukcesivno osnivanje dioničkih društava	23	84.171.180,00	40,59
2.	Simultano osnivanje dioničkih društava	3	6.250.000,00	3,01
3.	Novi ulazi postojećih dioničara sukcesivno osnovanih dioničkih društava	31	79.460.500,00	38,33
4.	Novi ulazi postojećih dioničara simultano osnovanih dioničkih društava	7	7.701.300,00	3,72
5.	Smanjenje kapitala	10	22.342.281,00	10,77
6.	Spajanje i pripajanje dioničkih društava	2	7.418.440,00	3,58
	UKUPNO	76	207.343.701,00	100,00

Izvor podataka: Registar izdavalaca papira od vrijednosti

Izdavanje papira od vrijednosti, kao osnovna korporativna aktivnost u dioničkim društvima, usmjerena je prema unaprijed poznatim kupcima, investitorima i ima zatvoreni karakter, što je suprotno prirodi dioničkih društava, koja u svojoj suštini predstavljaju društva kapitala i otvorena su prema javnosti prije svega po pitanju finansiranja poslovanja, razvoja putem tržišta kapitala i osiguranja distribucije rizika zajedničkog investiranja. Kupci zatvorenih izdavanja papira od vrijednosti su uglavnom postojeći većinski dioničari, nastali u procesu vlasničke transformacije državnih preduzeća u dionička društva. Ograničenost obima izdavanja papira od vrijednosti proizilazi iz nastojanja postojećih većinskih dioničara da izbjegnu rizik vlasničkog ulaska drugih investitora u dioničko društvo. Ovakav način izdavanja papira od vrijednosti štiti interese postojećih većinskih dioničara i predstavlja prepreku disperziji kontrolnog paketa dionica na veći broj dioničara, odnosno prije svega predstavlja izdavanje dionica radi obezbjeđenja uslova za potpunu vlasničku koncentraciju dioničkog društva.

Grafikon broj 2: Prikaz izdavanje papira od vrijednosti prema vrsti i obimu na dan 31.12.2019. godine



5. KORPORATIVNO UPRAVLJANJE I AKTIVNOSTI IZDAVALACA PAPIRA OD VRIJEDNOSTI

5.1. Kapital dioničkih društava i porijeklo kapitala na dan 31.12.2019. godine

Vlasnička struktura kapitala dioničkih društava u Brčko distriktu BiH na osnovu raspoloživih podataka o kapitalu prema državi porijekla i prema pravnom subjektivitetu vlasnika kapitala prikazana je u sljedećoj tabeli:

Tabela broj 3: Uporedni pregled dioničkog kapitala prema porijeklu i pravnom statusu vlasnika na dan 31.12.2019. godine


Redni broj	Porijeklo kapitala	Kapital Pravna lica	%	Kapital Fizička lica	%	UKUPNO	%

1.	Domaći	31.229.110	37,62	23.479.335	93,18	54.708.445	50,55
2.	Strani	51.793.012	62,38	1.717.260	6,82	53.510.272	49,45
	Ukupno	83.022.122	100,00	25.196.595	100,00	108.218.717	100,00

Izvor podataka: Registri Komisije za papire od vrijednosti

Podaci o strukturi kapitala dioničkih društava pokazuju da je na dan 31.12.2019. godine učešće domaćeg kapitala pravnih i fizičkih lica 54.708.445 KM ili 50,55%, a stranog kapitala 53.510.272 KM ili 49,45%. U ukupnoj vrijednosti kapitala pravnih lica od 83.022.122 KM, pravna lica sa područja BiH učestvuju sa 37,62%, dok pravna lica iz drugih država učestvuju sa 62,38%. Kapital u vlasništvu fizičkih lica u iznosu od 25.196.595 KM, strukturno posmatrano sastoji se od 93,18% kapitala domaćeg porijekla i 6,82% stranog porijekla.

Grafikon broj 3: Prikaz dioničkog kapitala prema porijeklu i pravnom statusu vlasnika na dan 31.12.2019. godine



5.2. Promjene na dioničkom kapitalu

U posmatranom periodu kapital dioničkih društava se mijenjao u skladu sa dinamikom i obimom izdavanja papira od vrijednosti po osnovu investiranja, ostvarenim rezultatima u poslovanju dioničkih društava i odlukama organa upravljanja o rasporedu rezultata poslovanja. U narednoj tabeli dat je pregled promjena na kapitalu, povećanja kapitala i smanjenja kapitala po godinama:

Tabela broj 4: Uporedni pregled promjena na dioničkom kapitalu u periodu 2015-2019. godine


Izvor podataka: Registar izdavalaca papira od vrijednosti

Navedeni podaci pokazuju da je najveći obim povećanja kapitala ostvaren u 2017. godini u

R. br.	Promjene	2015	2016	2017	2018	2019	Ukupno
1.	Povećanje kapitala	900.000,00	103.300,00	3.393.370,00	2.500.000,00	–	6.896.670,00
2.	Smanjenje kapitala	1.003.300,00	–	703.684,80	923.571,20	615.724,20	3.246.280,20
	Ukupno	1.903.300,00	103.300,00	4.097.055,00	3.423.571,20	615.724,20	–

vrijednosti od 3.393.370 KM, kao rezultat investiranja u poslovanje putem izdavanja dionica, a najveći obim smanjenja kapitala ostvaren je 2015. godine u ukupnom iznosu od 1.003.300 KM i posljedica je ostvarenih negativnih poslovnih rezultata dioničkih društava, odnosno pokriva ostvarenih gubitaka na teret kapitala društva.

Grafikon broj 4: Prikaz promjena na dioničkom kapitalu u periodu 2015-2019. godina



Struktura korporativnih aktivnosti vezanih za promjene na kapitalu u posmatranom periodu pokazuje da se na povećanje kapitala odnosi 6.896.670,00 KM ili 67,99%, a na smanjenje kapitala 3.246.280,20 KM ili 32,01%, što ukazuje da se kapital dioničkih društava u posmatranom periodu dva puta više povećao, nego što je ostvareno smanjenje kapitala.

5.3. Dionički kapital po sektorima privređivanja dioničkih društava na dan 31.12. 2019. godine


Podaci u narednoj tabeli ilustruju zastupljenost osnovnog kapitala po vrstama djelatnosti dioničkih društava. Na dan 31.12.2019. godine, najveću zastupljenost u ukupnom kapitalu imaju društva iz prehrambene djelatnosti 56,61%. Sektor osiguranja je zastupljen sa 10,35%, potom građevinarstvo sa 10,00%, transport sa 2,44%, trgovina sa 1,72%, dok je zastupljenost ostalih proizvodnih i uslužnih djelatnosti 18,88%.

Tabela broj 5: Uporedni pregled kapitala po sektorima privređivanja dioničkih društava na dan 31.12.2019. godine

Redni broj	Vrsta djelatnosti	Vrijednost kapitala	%
1.	Prehrambena djelatnost	61.260.680,00	56,61
2.	Građevinarstvo	10.818.920,00	10,00
3.	Osiguranje	11.200.000,00	10,35
4.	Transport	2.638.818,00	2,44
5.	Trgovina	1.867.809,00	1,72
6.	Ostale proizvodne i uslužne djelatnosti	20.432.490,00	18,88
	UKUPNO	108.218.717,00	100,00

Izvor podataka: Registar izdavalaca papira od vrijednosti

Grafikon broj 5: Prikaz kapitala po sektorima privređivanja dioničkih društava na dan 31.12.2019. godine



5.4. Struktura članova uprave prema starosnoj dobi i dužini članstva u upravi dioničkih društava

Komisija za papire od vrijednosti vodi evidenciju lica ovlaštenih za zastupanje i članova Nadzornih odbora u dioničkim društvima. Odredbama Zakona o preduzećima uređeno je imenovanje uprave i članova nadzornog odbora dioničkog društva. Članom 223 Zakona o preduzećima određeno je da Skupština odlučuje o imenovanju i smjeni članova nadzornog odbora, a članom 191 stavom 1 Zakona o preduzećima određeno je da nadzorni odbor imenuje članove i predsjednika uprave na period od najviše pet (5) godina, uz neograničenu mogućnost ponovnog imenovanja. Također, članom 187 stavom 4 Zakona o preduzećima propisani su uslovi koje mora ispunjavati član uprave, a članom 204 Zakona o preduzećima propisani su uslovi koje mora ispunjavati član nadzornog odbora. Članom 4 tačkom 5 Pravilnika o načinu upisa i vođenju registra izdavalaca papira od vrijednosti kod Komisije za papire od vrijednosti određeno je da prijavu za upis podataka o članovima uprave i nadzornog odbora podnosi izdavalac u roku od 15 dana od dana sticanja uslova za upis. Pod danom sticanja uslova za upis podrazumijeva se datum nastale promjene upisanih podataka.


Tabela broj 6: Struktura članova uprave prema starosnoj dobi i dužini članstva u upravi dioničkih društava na dan 31. 12. 2019. godine

Redni broj	Funkcija	Broj izvršilaca	Starosna dob			Dužina članstva		
			40-50	50-60	preko 60	1 - 5	5 -10	preko 10
1.	Direktor	16	6	4	6	6	7	3
2.	Zamjenik	2	2	–	–	2	–	–

Izvor podataka: Registar izdavalaca papira od vrijednosti

Na dan 31.12.2019. godine, prema podacima u evidenciji lica ovlaštenih za zastupanje i članova nadzornih odbora u dioničkim društvima, struktura lica ovlaštenih za zastupanje, odnosno direktora u 16 dioničkih društava, pomjerena je prema starosnoj dobi preko 50 godina. Od 16 direktora, 10 direktora ili 62,5% potpada pod kategoriju starijih od 50 godina, dok je 6 osoba na ovim upravljačkim funkcijama u starosnoj dobi od 40-50 godina ili 37,5%. Iz tabelarno i grafički prikazanih podataka je vidljivo da je dominantna dužina članstva u upravi društava od 5-10 godina, odnosno kod 7 direktora, a da je najmanji broj direktora 3, koji obnašaju ovu funkciju duže od 10 godina. Dva zamjenika direktora su starosne dobi do 50 godina i na ovim pozicijama se nalaze kraće od 5 godina.

Grafikon broj 6: Prikaz strukture članova uprave prema starosnoj dobi i dužini članstva u upravi dioničkih društava na dan 31.12.2019. godine



5.5. Struktura članova nadzornog odbora prema starosnoj dobi i dužini članstva u nadzornom odboru dioničkih društava

Na dan 31.12.2019. godine, prema pokazateljima iz tabele broj 7 proizilazi, da od 15 osoba izabranih na poziciju predsjednika nadzornog odbora u dioničkim društvima, najveći broj njih, odnosno 6 je starosne dobi od 50-60 godina života, dok su četiri osobe starosne dobi preko 60 godina. U strukturi dužine trajanja mandata predsjednika nadzornog odbora, evidentno je da se kod 8 predsjednika nadzornog odbora radi o periodu angažovanja na toj poziciji dužem od 8 godina, kod 6 predsjednika dužina trajanja mandata je od 4-8 godina, dok je samo kod jednog predsjednika dužina mandata ispod 4 godine. Podaci o članovima nadzornog odbora pokazuju


da je 31 član gotovo ravnomjerno raspoređen u tri starosne kategorije, dok je najveći broj članova njih 26 duže od 4 godine u nadzornim odborima dioničkih društava.

Tabela broj 7: Struktura članova nadzornog odbora prema starosnoj dobi i dužini članstva u nadzornom odboru dioničkih društava na dan 31.12.2019. godine

Red. broj	Funkcija	Broj izvršilaca	Starosna dob			Dužina članstva		
			40-50	50-60	preko 60	1 - 4	4-8	preko 8
1.	Predsjednik NO	15	5	6	4	1	6	8
2.	Članovi NO	31	11	10	9	5	14	12

Izvor podataka: Registar izdavalaca papira od vrijednosti

Grafikon broj 7: Struktura članova nadzornog odbora prema starosnoj dobi i dužini članstva u nadzornom odboru dioničkih društava dan 31.12.2019. godine



6. PREUZIMANJE DIONIČKIH DRUŠTAVA

6.1. Nadzorna funkcija i postupanje Komisije

Komisija obavlja nadzor nad provođenjem postupka preuzimanja dioničkih društava i u skladu sa Zakonom o preuzimanju dioničkih društava može rješenjem:

- obustaviti postupak preuzimanja i poništiti ponudu za preuzimanje u slučaju kada ponudilac ne postupi u skladu sa aktom Komisije, kao i u slučaju kada se radi o nepravilnostima koje je prouzrokovao ponudilac i koje nije moguće otkloniti,
- utvrditi postojanje obaveze objavljivanja ponude za preuzimanje i provođenja postupka preuzimanja u slučaju kada fizičko ili pravno lice koje je obavezno provesti postupak ponude za preuzimanje to ne učini u zakonskom roku,
- odrediti ograničenja, odnosno zabranu sticaocu i licima s kojima zajedno djeluje, daljnju kupovinu, odnosno sticanje papira od vrijednosti koji su predmet ponude osim na način koji je propisan Zakonom o preuzimanju.

U periodu 2015-2019. godine izvršeno je preuzimanje pet dioničkih društava. Najviši dostignuti procenat vlasništva od 98% je ostvario sticalac „Krajnović“ d.o.o. Brčko u postupku redovne ponude za preuzimanje dioničkog društva „Laser“, Brčko. Kod tri dionička društva „Jelen&Staklorad“ d.d., Brčko, „Duka&Bosna“ d.d., Brčko i „Hidra Stil“ d.d., Brčko u postupku redovnog preuzimanja sticaoci su dostigli procenat vlasništva od 96%, a kod dioničkog društva „Bimal“ d.d. 97%. Nakon dostignutog procenta vlasništva od 95%, sticaoci su u skladu sa Zakonom stekli pravo na prinudnu kupovinu dionica od manjinskih dioničara, koju su realizovali u navedenim dioničkim društvima i na taj način izvršili potpunu koncentraciju vlasništva. U postupku redovnog preuzimanja dioničkih društava ponuđene uslove za prodaju dionica, od strane ponudilaca je prihvatilo 100 dioničara ili 6,37%, dok su kroz prinudno preuzimanje preuzete dionice od 1469 dioničara ili 93,63%. Najviša prodajna cijena po dionici je postignuta u postupku preuzimanja dioničkog društva „Bimal“ 8,87 KM, što predstavlja 88,7% nominalne vrijednosti dionice, a najniža 1,00 KM ili 10% nominalne vrijednosti u postupku preuzimanja dioničkog društva „Laser“, Brčko.

6.2. Informisanje u postupku preuzimanja

Odredbama Zakona o preuzimanju dioničkih društava su propisani uslovi u kojima je sticalac dionica obavezan obavijestiti Komisiju, izdavaoca i javnost o sticanju dionica. Sticalac, odnosno ponudilac je obavezan priložiti potrebnu dokumentaciju uz zahtjev za odobrenje objavljivanja ponude za preuzimanje. Cjelokupne aktivnosti vezane za postupak preuzimanja su praćene od strane Komisije kroz kontrolu i nadzor transparentnosti, odnosno objavljivanje namjere preuzimanja, pravilno utvrđivanje cijene dionica, potrebne odluke, objave ponude za preuzimanje po pribavljanju rješenja o odobravanju ponude od strane Komisije, objavljivanje obrazloženja uprave, njihovo mišljenje o opravdanosti ponude za preuzimanje, prihvatanje ponude, prenos dionica, objavljivanje izvještaja o preuzimanju nakon isteka roka za plaćanje, praćenje plaćanja dionica i svih troškova vezanih za prenos i slično. Nakon provedenog nadzora nad svim ovim radnjama, Komisija rješenjem o uspješnosti preuzimanja utvrđuje uspješnost ponude za preuzimanje, podatke o preuzetim dionicama i količinu/obim preuzetih dionica. Prilikom vršenja nadzora učesnici u postupku preuzimanja, počev od ponudilaca, preko banaka, depozitara, dioničara do ovlaštenih učesnika na uređenom tržištu, obavezni su omogućiti Komisiji uvid u dokumentaciju, dostaviti zahtijevane dokumente, pružati potrebna obavještenja u cilju zakonitog, brzog i transparentnog, sprovođenja ponude za preuzimanje, vodeći posebno računa da ne nastanu poremećaji na uređenom tržištu zbog sprovođenja postupka preuzimanja dioničkog društva.


Tabela broj 8: Osnovni pokazatelji preuzimanja dioničkih društava u periodu 2015-2019. godina

	Godina	Ponudilac	Redovno	Prinudno
--	--------	-----------	---------	----------

Dioničko društvo			Vrijednost u KM	Dost. %	Cijena u KM	Broj dionič.	Vrijednost preuzetih dionica u KM	Dos. %	Cijena u KM	Broj dionič.
Jelen Staklorad d.d.	2015	Jelen d.o.o. Brčko	–	96	5,05	–	61.307,00	100	5,05	70
Duka&Bosna d.d.	2016	Bingo d.o.o. Tuzla	226.435,75	96	4,25	25	165.597,00	100	4,25	83
Bimal d.d.	2017	Seed Oil Holdings i Studen&CO Holding, Wien	7.256,15	97	8,35	11	579.778,68	100	8,87	864
Hidra Stil d.d.	2018	Lejla Huseinbašić, Sead Huseinbašić i Amir Peštalić	23.482,50	96	1,5	44	17.076,00	100	1,5	68
Laser d.d.	2019	Krajnović d.o.o., Brčko	65.503,00	98	1	20	17.032,00	100	1	384
UKUPNO:	–	–	322.677,40	–	–	100	840.790,68	–	–	1469

Izvor: Registar izdavalaca papira od vrijednosti

Grafikon broj 8: Prikaz broja dioničara i cijene dionica u postupku preuzimanja dioničkih društava u periodu 2015-2019. godina



7. DJELATNOST I EVIDENCIJA REGISTRA PAPIRA OD VRIJEDNOSTI

7.1. Struktura usluga koje Registar papira od vrijednosti pruža pravnim i fizičkim licima

Poslovi Registra papira od vrijednosti, u skladu sa zakonom i propisima Komisije za papire od vrijednosti Brčko distrikta BiH su:

- a) registracija papira od vrijednosti i čuvanje podataka o papirima od vrijednosti i njihovim vlasnicima i svim transakcijama u pogledu prenosa vlasništva ili promjene statusa papira od vrijednosti,
- b) otvaranje i vođenje računa izdavaoca, otvaranje i vođenje računa vlasnika papira od vrijednosti, izrada izvještaja, izdavanje liste dioničara, izdavanje izvoda i potvrda o stanju i promjenama na računima,
- c) registracija i čuvanje podataka o papirima od vrijednosti, sticanju vlasništva i drugih prava iz papira od vrijednosti,
- d) prenos papira od vrijednosti na osnovu zakona, akta suda ili drugog nadležnog organa, nasljeđivanja, ugovora o doživotnom izdržavanju i drugih pravnih poslova u skladu sa važećim propisima,
- e) upis i brisanje prava trećih lica na papirima od vrijednosti na osnovu zakona, akta suda ili drugog nadležnog organa i pravnog posla,
- f) upis i brisanje zabrane prava raspolaganja na osnovu zakona, akta suda ili drugog nadležnog organa,
- g) druga pitanja od značaja za registraciju i prenos papira od vrijednosti.

Tabela broj 9: Uporedni pregled usluga Registra papira od vrijednosti u periodu 2015-2019. godina

Vrsta usluge	2015	2016	2017	2018	2019
Registracija izdavalaca	24	20	18	16	16
Registracija papira od vrijednosti	14.920.829	12.342.096	12.116.251	10.928.901	10.928.901
Registracija vlasnika papira od vrijednosti	5.623	4.557	4.390	4.274	3.869
Registracija kapitala i vođenje registra papira od vrijednosti	141.400.769	115.706.409	113.239.274	108.834.442	108.218.717
Prenos papira od vrijednosti po osnovu nasljeđivanja	6	14	6	6	–
Upis založnog prava na papirima od vrijednosti	0	3	2	–	–
Upis korporativnih radnji	2	2	3	2	–
Preuzimanje dioničkog društva	1	2	–	1	1
Izdavanje liste dioničara	17	21	16	16	14
Izdavanje certifikata	208	265	276	434	415
Promet dionica	903.037	20.399	36.946	19.630	1917
Isplata dioničara u postupku prinudne prodaje	8	16	71	35	37

Korekcija podataka za vlasnike	7	7	–	–	–
Provjera podataka o vlasnicima papira od vrijednosti i dostavljanje obavještenja	989	393	675	554	716

Izvor podataka: Registar papira od vrijednosti

Obim i vrste usluga, koje Registar papira od vrijednosti pruža pravnim i fizičkim licima, rezultat je razvijenosti korporativnog sektora, obima izdavanja papira od vrijednosti, sekundarnog prenosa vlasništva na papirima od vrijednosti, nivoa razvijenosti finansijskih instrumenata i njihove upotrebe u finansijskom poslovanju, finansijske educiranosti o oblasti papira od vrijednosti, korektnosti evidentiranih primarnih podataka o vlasnicima papira od vrijednosti i prisutnih grešaka, koje se najčešće odnose na ime, prezime, adresu i dr. i pokrenutih postupaka za njihovim vjerodostojnim provođenjem u bazama podataka Registra.

7.2. Registrovani kapital i dioničari po uređenim tržištima u BiH u periodu 2015-2019. godine


Ukupna vrijednost osnovnog dioničkog kapitala sa 31.12.2019.godine u iznosu od 108.218.717. KM, raspoređenog na 10.928.901 dionicu, uvrštena je na uređena berzanska tržišta u BiH. Na Banjalučku berzu se odnosi 81.494.799,30 KM ili 75,31%, a na Sarajevsku 26.723.918 KM ili 24,69%. Ukupan broj registrovanih dioničara u 2019. godini, odnosno vlasnika papira od vrijednosti u 16 dioničkih društva Brčko distrikta BiH je 3.869. Od ukupnog broja dioničara, dionice od 3.637 dioničara ili 94% je uvršteno na Banjalučku berzu, dok su dionice od 232 dioničara ili 6% uvrštene na Sarajevsku berzu. Smanjenje broja dioničara na Sarajevskoj berzi je rezultat provođenja postupka preuzimanja dioničkih društava, kao što je “Bimal” d.d. kod kojeg je broj dioničara sa 875, smanjen na dva većinska dioničara i “Laser” d.d. koji je imao 404 dioničara, a nakon provođenja postupka preuzimanja, jedan dioničar je postao vlasnik kapitala društva.

Tabela broj 10: Uporedni pregled dioničkog kapitala i dioničari na berzama u BiH u periodu 2015-2019. godina

Godina	Kapital				Ukupno kapital	Dioničari				Ukupno dioničari
	SASE	%	BLSE	%		SASE	%	BLSE	%	
2015	36.932.568,60	26,12	104.468.200,55	73,88	141.400.769,15	1.915	34,06	3.708	65,94	5.623
2016	36.288.038,60	31,36	79.418.370,55	68,64	115.706.409,15	916	20,10	3.641	79,90	4.557
2017	33.320.903,80	29,43	79.918.370,55	70,57	113.239.274,35	753	17,15	3.637	82,85	4.390
2018	27.339.642,20	25,12	81.494.799,30	74,88	108.834.441,50	637	14,90	3.637	85,10	4.274
2019	26.723.918,00	24,69	81.494.799,30	75,31	108.218.717,30	232	6,00	3.637	94,00	3.869

Izvor podataka: Registar papira od vrijednosti

Grafikon broj 9: Prikaz dioničkog kapitala na berzama u BiH u periodu 2015-2019. godina



7.3. Registracija kapitala, papira od vrijednosti i dioničara u periodu 2015-2019. godina

Pokazatelji dinamike kretanja kapitala dioničkih društava ilustruju negativni trend kretanja kapitala u 2016. godini u odnosu na 2015. godinu, odnosno njegovo smanjenje za 25.694.360 KM ili za 18,17%, što je posljedica promjene oblika organizovanja nakon provedenih postupaka preuzimanja i stečajnog postupka. Osnovni kapital dioničkih društava u 2017. godini u odnosu na 2016. godinu pokazuje negativnu stopu promjene od -2,13%, u 2018. godini u odnosu na 2017. godinu -3,89%, a u posljednjoj godini posmatranog perioda u odnosu na prethodnu, stopa promjena na kapitalu je bila -0,57%. Stope promjene broja dionica u odnosu na stope promjena na kapitalu pokazuju visok stepen korelacije tokom posmatranog perioda, izuzev stope promjene broja dionica u 2018. godini u odnosu na 2017. godinu, kada je ostvarena stopa iznosila -9,8%, a stopa promjena na kapitalu -3,89%, što je posljedica smanjenja kapitala kod dioničkih društava, koja imaju manju nominalnu vrijednost po dionici u odnosu na ostala dionička društva.

Tabela broj 11: Pokazatelji dinamike kapitala, dionica i dioničara u periodu 2015-2019. godina


God.	Vrijednost kapitala	Broj dionica	Broj dioničara	Indeks vrijednosti kapitala		Indeks broj dionica		Indeks broj dioničara	
				It	Vt	It	Vt	It	Vt
2015	141.400.769	14.920.829	5.623	-	-	-	-	-	-
2016	115.706.409	12.342.096	4.557	81,83	81,83	82,71	82,71	81,04	81,04
2017	113.239.274	12.116.251	4.390	80,08	97,87	81,20	98,17	78,07	96,33
2018	108.834.441	10.928.901	4.274	76,97	96,11	73,26	90,20	76,01	97,36
2019	108.218.717	10.928.901	3.869	76,53	99,43	73,26	100,00	68,81	90,52

Izvor podataka: Registar papira od vrijednosti

Stope promjene broja dioničara u odnosu na stope promjena na kapitalu i broju dionica također pokazuju visok stepen korelacije tokom posmatranog perioda, izuzev stope promjene broja

dioničara u 2019. godini u odnosu na 2018. godinu, kada je ostvarena stopa smanjenja dioničara iznosila -9,48%, a stopa promjena na kapitalu -3,89%, što je posljedica smanjenja broja dioničara nakon provođenja postupka preuzimanja dioničkog društva „Laser“ i zadržavanja dioničkog oblika organizovanja u izvještajnom periodu i pored potpune konsolidacije vlasništva u društvu. Proces potpune konsolidacije vlasništva nad kapitalom dioničkih društava dobija na intenzitetu sa dostizanjem praga vlasništva od 95%, kada ponudilac u skladu s Zakonom o preuzimanju dioničkih društava koristi klauzulu prinudnog otkupa dionica manjinskih dioničara, što dodatno utiče na smanjenje broja dioničara.

Grafikon broj 10: Prikaz kretanje vrijednosti kapitala, broja dionica i dioničara u periodu 2015-2019. godina



7.4. Promet i prenos papira od vrijednosti u periodu 2015-2019. godina


Trend ostvarenog prometa i prenosa papira od vrijednosti u posmatranom periodu rezultat je strukture vlasništva u korporativnom sektoru, koja je pomjerena u korist većinskog paketa dionica i u prosjeku je iznad praga 66% vlasništva nad kapitalom društva, što obezbjeđuje većinskim vlasnicima potpunu kontrolu procesa upravljanja poslovanjem dioničkog društva. Ovakav stepen koncentracije vlasništva, koji ima tendenciju potpune vlasničke konsolidacije direktno svodi ponudu papira od vrijednosti na manjinski paket dionica. U uslovima izrazito smanjene ponude dionica slabi interes potencijalnih kupaca za kupovinu dionica sa niskim stepenom likvidnosti, koje ne pružaju mogućnost njihovim vlasnicima da kroz učešće u radu organa dioničkog društva utiču na ukupno poslovanje. Navedene karakteristike kvaliteta dionica neposredno određuju ostvareni obim prometa i prenosa papira od vrijednosti, mobilnost kapitala i mogućnost njegove alokacije u druge propulzivnije portfolio investicije.

Tabela broj 12: Pokazatelji prometa i prenos papira od vrijednosti u periodu 2015-2019. godina

Red. broj	Opis	2015.	2016.	2017.	2018.	2019.
1.	Dionice	3.368.076,00	69.763,00	55.414,00	19.630,00	1.858,47
2.	Vanberzanski promet	1.332,00	–	–	–	–
3.	Izdavanje dionica i obveznica	1.954.285,00	585.880,00	3.393.370,00	2.500.000,00	–
4.	Preuzimanje dioničkih društava	61.307,00	813.470,00	–	270.390,00	82.535,00
5.	Nasljeđivanje i prenos po odluci suda	237.237,00	16.412,00	9.850,00	12.900,00	–
	U K U P N O	5.622.237,00	1.485.525,00	3.458.634,00	2.802.920,00	84.393,47

Izvor podataka: Registar papira od vrijednosti

Grafikon broj 11: Prikaz strukture prometa i prenosa papira od vrijednosti u periodu 2015 -2019. godina



8. FINANSIJSKO IZVJEŠTAVANJE IZDAVALACA PAPIRA OD VRIJEDNOSTI

Prema članu 71. Zakona o papirima od vrijednosti Brčko distrikta BiH izdavaoci papira od vrijednosti imaju obavezu informisanja javnosti o svom finansijskom poslovanju i komercijalnom položaju. Članom 4. Pravilnika o sadržaju, načinu i standardima objavljivanja finansijskih izvještaja i drugih informacija o poslovanju dioničkih društava („Sl. glasnik Brčko distrikta BiH“ broj 19/05), detaljno je regulisana vrsta, obavezni oblik i sadržaj izvještaja, rokovi i načini dostavljanja finansijskih izvještaja i drugih informacija Komisiji za papire od vrijednosti Brčko distrikta BiH, kao i način objavljivanja izvještaja dioničarima i javnosti o poslovanju dioničkog društva. Dioničko društvo koje trguje na uređenom tržištu, prema članu 4. navedenog Pravilnika, dužno je sačinjavati i objavljivati podatke o papirima od vrijednosti i svom finansijskom poslovanju i o njima izvještavati dioničare, javnost i Komisiju kroz:

1. Godišnji izvještaj o poslovanju;

2. Polugodišnji izvještaj o poslovanju;
3. Izvještaj o događajima koji bitno utiču na finansijsko poslovanje.


U narednoj tabeli je prikazano finansijsko izvještavanje dioničkih društava za period 2015.-2019. godina:

Tabela broj 13: Uporedni pregled finansijskog izvještavanja izdavalaca papira od vrijednosti u periodu 2015-2019. godina

Godina	Godišnji izvještaji	Polugodišnji izvještaji	Značajni događaji
2015	14	9	9
2016	14	6	7
2017	13	5	9
2018	14	7	7
2019	–	14	3
Ukupno	55	41	35

Izvor: Finansijski izvještaji o poslovanju

Grafikon broj 12: Prikaz finansijskog izvještavanja dioničkih društava u periodu 2015-2019. godina



Dionička društva koja su subjekt nadzora i kontrole Komisije za papire od vrijednosti Brčko distrikta BiH, najvećim dijelom redovno dostavljaju Zakonom propisane izvještaje, osim dioničkih društava „Novi Bimeks“ d.d. nad kojim se provodi stečajni postupak i nije u obavezi obavještavati javnost o rezultatima poslovanja, i „Grafam“ d.d. kod kojeg se praktično ne odvija poslovna aktivnost.

Pokazatelji osnovnih kategorija poslovanja dioničkih društava ilustruju značajan udio ovog oblika organizovanja subjekata privređivanja u ukupnom bruto domaćem proizvodu u Brčko distriktu BiH, koji je u 2015. godini iznosio 29,59%, u 2016. godini 29,53%, a u 2017. godini 31,85%, što je prezentirano u tabeli broj 14.


Tabela broj 14: Pokazatelji dinamike osnovnih kategorija poslovanja

dioničkih društava za period 2015-2019. godina

Godina	Ukupni prihodi	Ukupni rashodi	Bruto finansijski rezultat	BDP Brčko distrikt BiH	Ukupni prihodi u odnosu na BDP u %
2015	216.133.976	204.640.005	11.493.971	730.429.118	29,59
2016	226.943.892	212.303.849	14.640.043	768.519.783	29,53
2017	252.018.527	237.974.628	14.043.899	791.266.961	31,85
2018	212.621.684	211.474.746	1.146.938	–	–
Ukupno	907.718.079	866.393.228	41.324.851	–	–

Izvor: Finansijski izvještaji o poslovanju

Grafikon broj 13: Prikaz strukture BDP-a Brčko distrikta BiH prema prihodima dioničkih i ostalih privrednih društava u periodu 2015-2017. godina



9. REVIDIRANI FINANSIJSKI IZVJEŠTAJI DIONIČKIH DRUŠTAVA

Zakonom o preduzećima Brčko distrikta BiH propisana je obaveza pripremanja i predaje godišnjih završnih računa i revizorskih izvještaja. Članom 35. navedenog Zakona propisano je da dionička društva imaju obavezu da izvrše reviziju svog poslovanja, a članom 51. propisani su rokovi za izradu izvještaja i njihovo dostavljanje.

Broj dostavljenih revizorskih izvještaja u 2015. godini je 10 od ukupno 19 dioničkih društava ili 52,63%. Od ukupno 18 dioničkih društava u 2016. godini, 7 dioničkih društava je dostavilo revizorske izvještaje što predstavlja 38,89%. U 2017. godini od 16 dioničkih društava je 9 dostavilo revizorske izvještaje. U 2018. godini je takođe od upisanih 16 dioničkih društava, 13 dioničkih društava dostavilo revizorske izvještaje što predstavlja 81,25%. Revizorske izvještaje za 2018. godinu nisu dostavila tri dionička društva od kojih je jedno društvo u stečaju „Novi Bimeks“ d.d. i jedno dioničko društvo, koje praktično ne obavlja djelatnost „Grafam“ d.d.


Pregled dostavljenih revizorskih izvještaja za period 2015-2018. godine, predstavljen je u narednoj tabeli i grafičkom prikazu.

Tabela broj 15: Pregled dostavljenih izvještaja o reviziji finansijskih izvještaja dioničkih društava u periodu 2015-2018. godina

Godina	Ukupan broj d.d.	Dostavljeni revizorski izvještaji
2015.	19	10
2016.	18	7
2017.	16	9
2018.	16	13

Izvor podataka: Izvještaj o reviziji finansijskih izvještaja

Grafikon broj 14: Pregled dostavljenih izvještaja o reviziji finansijskih izvještaja u period 2015-2018. godina



10. NADZOR I KONTROLA IZDAVANJA, PROMETA I UČESNIKA NA UREĐENOM TRŽIŠTU

Pravilnikom o vršenju nadzora izdavanja, prometa i učesnika u izdavanju i prometu papira od vrijednosti („Sl. glasnik Brčko distrikta BiH“ broj 9/06) propisan je postupak i sadržaj nadzora izdavanja, prometa i učesnika u izdavanju i prometu papira od vrijednosti na tržištu papira od vrijednosti, kao i način vršenja nadzora, koji vrši Komisija za papire od vrijednosti Brčko distrikta BiH. Istim pravilnikom su propisane i nadzorne mjere koje Komisija preduzima prema učesnicima na tržištu papira od vrijednosti, rokove za izvršenje naloga i trajanje nadzornih mjera preduzetih prema učesnicima na tržištu papira od vrijednosti.

U 2015. i 2016. godini proveden je nadzor i kontrola korporativnih radnji, promjena na kapitalu koji se odnosio na dva povećanje kapitala u vrijednosti od 1.003.300,00 KM i smanjenje kapitala u vrijednosti od 1.003.300,00 KM kod dioničkog društva „Osiguranje Garant“. U narednoj 2017. godini proveden je nadzor i kontrola postupka povećanja kapitala kod dioničkih društava „Izgradnja“ u vrijednosti od 2.893.370.00 KM i „Brčko-gas osiguranje“ u vrijednosti

od 500.000,00 KM, kao i nadzor i kontrola smanjenje kapitala kod dioničkog društva „Laser” u vrijednosti od 703.684,80 KM. U 2018. i 2019. godini proveden je nadzor i kontrola povećanja kapitala kod dioničkog društva „Osiguranje Garant“ u vrijednosti od 2.500.000,00 KM, nadzor i kontrola smanjenja kapitala kod dioničkog društava „Uzor” u vrijednosti od 923.571,20 KM i kod dioničkog društva „Laser” u vrijednosti od 615.724,20 KM.

Nadzor i kontrola objavljivanja ponude za preuzimanje i postupka preuzimanja u 2015. godini je proveden u postupku preuzimanja 12.140 dionica po cijeni 5,05 KM kod dioničkog društva „Jelen & Staklorad”. U 2016. godini proveden je nadzor i kontrola nad preuzimanjem dioničkog društva „Bimal” d.d. od strane ponudioca „Seed Oil Holdings” i „Studen& Co Holding”, gdje je predmet ponude za preuzimanje bilo 3,1965% dionica po cijeni od 8,35 KM, nadzor i kontrola nad preuzimanjem „Duk&Bosna” d.d. od strane ponudioca „Bingo” d.o.o. export import Tuzla, sa ponudom za preuzimanje od 10,062% dionica po cijeni od 4,25 KM. U 2018. godini proveden je nadzor i kontrola postupka preuzimanja dioničkog društva „Hidra Stil” d.d., gdje je predmet preuzimanja bio 9,147% dionica po cijeni od 1,5 KM, a u 2019. godini nadzor i kontrola preuzimanja dioničkog društva „Laser” d.d. od strane ponudioca „Krajnović” d.o.o za preuzimanje 9,3832% dionica po cijeni od 1,00 KM.

U posmatranom periodu vršen je nadzor izdavanja papira od vrijednosti, nadzor prometa papira od vrijednosti, kontrola obaveznog izvještavanja i objavljivanja od strane izdavalaca, kontrola izvještaja i informacija koje su dužni dostavljati pravna i fizička lica, nadzor promjene članova nadzornog odbora i promjena uprave/direktora u registru izdavalaca i druge aktivnosti propisane zakonom i podzakonskim aktima.

11. FINANSIJSKI IZVJEŠTAJ

Finansiranje Komisije za papire od vrijednosti Brčko distrikta BiH iz budžeta Brčko distrikta BiH je regulisano članom 64 Zakona o papirima od vrijednosti Brčko distrikta BiH. Izvještaj o reviziji finansijskog poslovanja Komisije za papire od vrijednosti za period 01.01-31.12.2018. godine dobio je kao i za prethodne godine pozitivno mišljenje Ureda za reviziju javne uprave Brčko distrikta BiH. U tabeli broj 16 prikazani su rashodi Komisije u periodu 2018-2019. godina:

Tabela broj 16: Uporedni pregled rashoda Komisije za period 2018-2019. godina

Ek. kod	Naziv	2018		2019		Indeks realizacije budžeta 2019.
		Planirano	Ostvareno	Planirano	Ostvareno	
611100	Bruto plate i naknade	198.707,28	194.770,09	248.167,74	249.112,22	100
611200	Naknade troškova zaposlenih	12.383,00	–	68.581,00	–	–
612100	Doprinosi poslodavca	7.514,00	7.514,65	10.353,20	10.625,55	100
613100	Putni troškovi	7.484,00	5.760,04	7.750,00	3.218,92	42
613200	Izdaci za el. energiju	9.600,00	8.066,61	8.800,00	7.891,06	90
613300	Izdaci za komunalne usluge	10.380,00	8.978,87	11.100,00	8.244,51	74
613400	Nabavka materijala i sitnog inventara	2.050,00	1.407,34	3.400,00	1.435,59	42
613500	Izdaci za usluge prevoza i goriva	1.000,00	548,94	1.500,00	618,72	41

613700	Izdaci za tekuće održavanje	1.400,00	308,44	3.700,00	515,44	14
613800	Izdaci osiguranja i bankarskih usluga	750,00	547,80	800,00	574,35	72
613900	Ugovorene usluge	33.760,00	30.852,61	36.500,00	25.563,28	70
	UKUPNO RASHODI I TEKUĆI IZDACI	285.028,28	258.755,39	400.651,94	307.799,64	77
821300	Nabavka opreme	4.000,00	3.580,00	4.000,00	-	†

Izvor podataka: Interne evidencije Komisije i evidencije Trezora Brčko distrikta BiH

Realizacija utrošenih sredstava odobrenog budžeta za 2019. godinu iznosi 307.799,64 ili 77%. Ovakav stepen izvršenja planiranih rashoda posljedica je neutrošenih planom predviđenih sredstava namijenjenih za otpremnine članovima Komisije nakon isteka mandata u iznosu od 68.581,00 KM, u suprotnom procenat izvršenja je 93 %.

Izveštaj o radu Komisije za 2019. godinu je razmatran i usvojen na 21. sjednici Komisije za papire od vrijednosti Brčko distrikta BiH, održanoj 24. 2. 2020. godine.

Broj: 05-15.01-31/20

Datum: 24. 2. 2020. god.

Predsjednik
Komisije za papire od vrijednosti
Mirsad Bešlagić, MA